
Radunanza generala da l'ULR, ils 30 d'avrigl 2022, 10.15, restaurant Stern, Cuira

Persunas preschentas:

Dumenic Andry, Flurina Badel, Manuela Balett (presidenta), Gianna Olinda Cadonau, Maria Cadruvi, Carin Caduff (comité dals Dis da Litteratura), Fabiola Carigiet, Urezza Famos, Flavia Hobi (suprastanta e redactura da la Litteratura), Svetlana Munderich, Annatina Nay (suprastanta), Walter Rosselli (suprstant), Benedetto Vigne (cassier da l'ULR e redactur da Litteratura), Bettina Vital, Rico Valär.

Persunas perstgisadas:

Diego Deplazes, Michele Badilatti, Arnold Spescha, Rut Pluoda, Hans Fäh, Linard Candreia, Göri Klainguti, Anna Ratti, Viola Cadruvi, Silvana Derungs (redactura da la Litteratura), Nadina Derungs (comité dals Dis da Litteratura), Mevina Puorger, Toni Vinzens (comité dals Dis da Litteratura).

1. Bainvegni ed elecziun dals dumbravuschs

La presidenta engrazia a las persunas preschentas per esser qua. Ella beneventa spezialmain Urezza Famos sco co-presidenta da la Lia Rumantscha. Per Walter Roselli è quai la davosa RG sco suprstant. La presidenta Manuela preschenta las tractandas ed envida cordialmain ad in gentar communabel. A las 14.15 uras ha lieu in referat da la schurnalista e moderatura dad SRF partenta Monika Schärer.

Elegida sco dumbravuschs vegn Bettina Vital. La presidenta sa perstgisa per in pitschen sbagli sin la glista da tractandas e prenda inavant l'emprim punct 5 (post per la promozion da la litteratura rumantscha). En il protocol vegn il punct 5 dividì en 5.1 e 5.2 (program))

La ULR dumba actualmain 123 commembr:as. Quai èn +2 en cumparegliazion cun l'atun 2021. Las tractandas proponidas vegnan approvadas.

2. Protocol da la Radunanza Generala dals 28 da avust 2019

Per spargnar palpìri è il protocol publitgà sin la pagina dad internet da l'ULR www.litteraturarumanscha.ch → actualitads → radunanza generala. Tgi che giavischava il protocol en scrit ha pudì empustar el tar noss cassier Benedetto Vigne.

Il protocol da la radunanza generala 2021 vegn approvà cun engraziament a Walter Rosselli sco protocollist.

3. Rapport 2021 da la presidenta

- La suprastanza da la *ULR* è restada er quest onn stabila, cumpigliond la presidenta Manuela Balett, il cassier Benedetto Vigne, sco er l'assessur Walter Rosselli e las assessoras Annatina Nay e Flavia Hobi cun dus congedis da maternitad da Manuela e dad Annatina. Pervia diversas partenzas annunziadas tschertgan tant la suprastanza sco er il comité dals Dis da Litteratura (stan 2021: Sara Hermann, Nadina Derungs, Ralf Beer, Toni Vinzens) nov:as commembers:bras.
- 2021 ha la *ULR* organisà la radunanza generala da *l'Uniun per la Litteratura* ils 28 d'avust 2021 cun in referat da Martin Ebel davart la critica da la literatura.
- Crudads cumplettamain en l'aua pervia Corona èn tant il *Lavuratori da scriver* sco er il *Punct dubel*, la preleczion recurrenta, organisada ensemes cun la *Chasa Editura Rumantscha*.
- Dentant ha la *Litteratura*, la revista annuala da l'uniun, pudì cumparair la fin d'october senza incaps en sia 40avla ediziun, in numer giubilar a chaschun da la 75avla annada da *l'Uniun per la Litteratura*. En il center da l'ediziun, tgirada en coredacziun da Silvana Derungs, Flavia Hobi e Benedetto Vigne, stattan ils purtrets da 75 auturas ed auturs rumantschs contemporans (illustraziuns: Pia Valär), cumbinads cun texts curts tenor il tema «*Sin via*».
- Ils Dis da Litteratura, ch'avevan spustà lur 30avla ediziun dal 2020 sin il 2021, han da lur vart varià il titel da la revista ad in *Giud via*, quels han la finala pudì passar senza incaps e cun grond success l'emprima fin d'emna da november en il solit lieu, la halla Tircal a Domat.
- Ultra da questas purschidas pli u main fisicas ha la *ULR* er marcà preschientscha digitala cun sia newsletter che relata regularmain davart fatgs e figurazions da la scena litterara rumantscha.

... e publitgà ha l'*ULR*:

- la Litteratura 40 cun il titel *Sin via*
- inqual brevs da novas
- plirs posts sin facebook

... ed ella ha tegnì al di la homepage (www.litteraturarumantscha.ch).

- Planisà era il program dad in proxim lavuratori da scriver, che avess gî lieu sut il titel *La poesia*. Sin fundament da memia paucas annunzias ha la *ULR* deplorablamain stuì annullar il lavuratori da scriver previs ils 10 enfin 12 da zercladur 2022 a Tschlin.

- La *Litteratura 41* vegn a surpigliar il tema planisà dal lavuratori da scriver. Plinavant ha la suprastanza er piglià en mira pussaivlas alternativas areguard il *Punct dubel*, in concept che na satisfa betg dal tut cun ses caracter plitost punctual ed arbitrar. En discussiun stattan per exemplel turneas da prelecziun pli extendidas e cumplessivas – in project che dumandass però dapli medis finanzials e dapli organisaziun.

4. Gestiu

- Rendaquint *ULR* 2021, raports dal revisur
- La contabilitad è professiunala, fatga dal fiduziari Bearth & partenari.
- Magari na paran ils puncts en il quint betg uschè clers. Ord quest motiv ha il cassier Benedetto Vigne aschuntà duas contabilitads supplementaras (*Litteratura 40* e la contabilitad da la *ULR* sin l'ultima pagina).
- Vinavant menziuna il cassier Benedetto Vigne che il gudogn da 2'887 fr. per in onn senza lavuratori e *Puncts dubels* saja in gudogn plitost magher. Ma i na dettia nagin motiv da sa lamentar: La facultad da l'*ULR* per 2022 muntia a 35'000 fr.
- Las entradas da commembranzas muntan a 500 fr. damain che l'onn passà. Motiv : trais u quatter commbers n'hant betg pajà, ca. dus commembers èn extrads.
- L'*ULR* ha survegnì 4'000 fr. dapli per il sustegn da la *Litteratura 40*. Mintgatant datti dapli sustegn da dapli fundaziuns e sponsurs. La *Litteratura 40* ha era custà 2'000 fr. dapli che la *Litteratura 39* (illustraziuns professiunala).
- Benedetto Vigne aschunta che las cifras dal quint èn equilibradas en conugal cun il quint da l'onn passà 2021.

Dumondas :

Bettina Vital dumonda davart las entradas da la *Litteratura* e co quai funcziuna cun ils abunaments per la *Litteratura*.

Maria Cadruvi dumonda davart l'ediziun da la *Litteratura 40* e Benedetto Vigne respunda cun 350 exemplars – schebain che l'ediziun era 2021 planisada cun 400 exemplars.

Fabiola Carigiet dumonda davart las spesas en connex cun la website ed è surstada che quellas en uschè bassas.

Benedetto Vigne fa attent sin l'onn 2020 e declera che questas spesas varieschan tenor investiziuns sco per exemplel per ina revisiun pitschna.

Il quint è vegni revidì dals fidaivels revisurs Linus Berther e Martin Camenisch. Benedetto Vigne prelegia il rapport dals revisurs e dumonda da dar rescharscha. Lezs n'han chattà nagina mancanza e supplitgeschan da dar descharscha al cassier, tge che succeda unanimamain. Ils quints vegnan approvads.

- Preventiv 2022

Il cassier Benedetto Vigne preschenta il preventiv per l'onn 2022 che munta a 34'500 fr. e menziuna intgins detagls dal preventiv 2022.

Il lavuratori da scriver dal zercladur annullà cuntegna 500 fr. spesas da scrudada che vegnan duvradas per las preperativas dal lavuratori. La Casa Desertina che organisava la spedizion da la *Litteratura* fascheva pli baud er ils incassos. Desertina n'ha dentant dapi 4 onns betg pli pajà la cumpart a l'*ULR*, uschia che la *ULR* ha surpiglià danov avant dus onns da far sezza ils incassos, tirond lura giu ils custs da la spedizion giu dals daivets da Desertina. Il davos muntavan ils daivets anc a 1'300 fr. Uss è la Casa Desertina en scussiun. Perquai sto l'*ULR* probabel scriver giu quels daners.

Il preventiv 2022 vegn approvà.

5. Programm 2022

5.1 Post per la promozion da la litteratura rumantscha.

Flurina Badel e Bettina Vital decleran l'idea dal post: I manca per la litteratura rumantscha in'instituziun che s'occupescha en moda professiunala da promozion, da lobby, da communicaziun e da laver organisatorica, cun effect entaifer ed ordaifer la scena litterara rumantscha. Il post da litteratura eliminass quest manco. Quai fiss ina sort «Schnittstelle», per che la litteratura rumantscha vegnia vesida meglier e prendida pli seriusa. Perquai èn ellas sa drizzadas a la *ULR* cun l'inoltraziun dad ina skizza nua ch'ellas prendan posiziun (la *ULR* ha beneventà l'idea), ma ellas han er tschertgà il discurs cun Urezza Famos (co-presidenta *LR*) e Rico Valär (professer universitad Turitg).

Ils 9 mars haja gi lieu ina maisa radunda cun diesch persunas preschentas (il detagls sa chattan en il protocol da questa sentupada, tramess da Flurina Badel). Il consens era ch'ins stoppia far insatge. Ina gruppa da laver è vegnida creada. En ina proxima sentupada duai veginr formulada ina dumonda al chantun per pudair considerar la gruppa da laver sco in uschenumnà project da transfurmaziun (lantschà en connex cun la pandemia) ed uschia pudair indemnizar questa gruppa. En la fasa 2022- 2024 duai la gruppa concepir il post da litteratura, formulond il carnet da duairs, l'affiliaziun concreta (a la *ULR* ubain a la *LR*?), la paja dal post etc etc.

En ina viva discussiun da la Radunanza Generala vegnan discutads tut questi aspects, ma en in votum final affirmescha la Radunanza cun in gea unanim la cuntuaziun da quest project.

5.2 Programm

- La *Litteratura 41* tematisescha «la poesia» ed è sin via. Diversas contribuziuns èn già vegnidas inoltradas. L'atelier da scriver ch'avess gì lieu en il zercladur en Engiadina davart «la poesia» ha deplorablamax stùi vegnir annullà.
- Pervia la pandemia hai dus onns dà nagins *Punct dubels*. En la suprastanza datti tscherts dubis davart la furma da dal *Punct dubel*. La proposta è da sviluppar vinavant il furmat e da lantschar ina turnea da prelecziuns en las regiuns. Quai fiss da discutar cun Anita Capaul da la CER.
- Ils *Dis da Litteratura* vegnan ad avair lieu dals 4 als 6 da november 2022 en sala Tircal a Domat. L'eveniment è ina plattaforma per preschentar novas ovras – il tema è «la notg». Tge fa la notg cun nus umans, tge rolla gioga ella en la litteratura, per scriver, la notg pliras fatschas e fassettas, ella gida da vegnir a raus, ma ella tegna era enavos. Highlight: il *Premi Term Bel*, per il qual ch'ins po s'annunziar fin mez avust. Vinavant datti midadas en il comité. Nadina Derungs e Ralf Beer vegnan a bandunar il comité. Laura Pfister, Barla Colucello e Carin Caduff vegnan da nov el comité.
- La *radunanza generala* 2022 vegn ad avair lieu ils 22 d'avril 2023. Planisà è puspè in program cun in referat suenter la part furmala.

6. Elecziuns

- Walter Rosselli banduna la suprastanza e consuprastanza Flavia Hobi tegna in pled per el e surdat in regal.
- Sco nova suprastanta vegn Carin Caduff elegida. Ella fa la punt tranter il *comité dals Dis da Litteratura* e la *ULR*. Benedetto Vigne tegna il pled da bainvegni per Carin e propona dad eleger ella. Ella vegn elegida unanimamain e sa legra sin sia nova incumbensa.
- La suprastanza actuala è puspè cumplettta. Ella vegn elegida cun acclamaziun.
- Elecziuns/conferma da delegads e delegadas a la *LR*: Manuela Balett, Benedetto Vigne, Silvana Derungs. Nov surprenda Svetlana Munderich il post da delegada da la *LR*.
- Elecziun represchentant:a *ULR* tar la *CER*. Silvana Derungs vul dar giu il post – e la *ULR* tschertga ina persuna successura. La presidenta Manuela Balett sa metta gugent a disposiziun per quest post e vegn confirmada unanimamain.

7. Varia

- Commembra Maria Cadruvi prenda il pled e discurra davart l'avor voluntaria e l'avor pajada. Ella fa attent ch'i saja impurtant da tegnair la ballantscha tranter l'avor pajada e l'avor voluntaria ed engrazia a la suprastanza da la *ULR* per la l'avor prestada.
- Walter Rosselli fa attent al festival *Lettere dalla Svizzera alla Valposchiavo*. Ils 7 fin als 9 octobre 2022 ha lieu la seconda edizion. Il programm n'è anc betg publitgà. Era quest onn vegn ina persuna rumantscha ad esser da la partida. 2021 ha Dumenic Andry gi ina prelecziun.
- Denise Müntzenberg publitgescha in cudesch sur da dunnas che vegn edì 2022 e probablaman preschentà als Dis da Litteratura a Domat 2022.
- Gianna Olinda fa attent sin las *Traversadas Litteraras* che han lieu sonda, ils 7 da matg a Wernetshausen en la Chasa da la Translaziun Looren.
- Ils 2 da zercladur prelegian Viola Cadruvi e Gianna Olinda Cadonau a Cuira en la gallaria Ocro.
- La vernissascha dal cudesch da Carin Caduff ha lieu ils 14 da matg 2022 a Glion el Cinema sil Platz. L'emprima ovra da Carin Caduff porta il titel «Furt e naven!» e cumpiglia texts curts e fotografias da Jaromir Kreiliger.
- La radunanza generala da l'*ULR* 2023 ha lieu ils 22 d'avrigl 2023 a Cuira (la seconda sonda suenter Pastgas).
- Las persunas preschentas vegnan cordialmain envidadas al gentar en il restaurant Stern e silsuenter al referat da Monika Schärer che suonda il suentermezdi a las 14.15.

14.15 uras – Referat da Monika Schärer

Perda il med dal radio sia attractivitat? La redactura e moderatura partenta Radio SRF2 Kultur palaisa or da sias experientschas da var 35 onns l'avor per il radio e raquinta a maun dad agens exempels ord la vita professiunala da svilups e midadas en quest med.

Ils 6 da matg 2022

Per il protocol: Flavia Hobi ed Annatina Nay